



Urden da chasa

1. Disposiziuns generalas

Quest urden da chasa vala per tut las localitads e per tut ils implants da la Scola chantunala grischuna. Ella sa basa sin l'urden da scola.

Per il diever da l'aula, da la medioteca, da la mensa, da stanzas spezialas, sco er dals implants da sport valan ultra da quai speziels reglaments da diever.

En cas da cuntravenziuns ston ins pledentar directamain ils auturs. Mesiras disciplinaras seguan tenor la grevizza dal surpassament entras la persuna d'instrucziun, ils collavuradors ni la direcziun da la scola.

2. Diever da las stanzas e da material

Ils bajetgs da scola èn averts da glindesdi a venderdi da las 07.00 – 18.00 uras. Igl è pussaivel da duvrar ils plazs da lavur enfin las 19.00 uras. Per il diever da las localitads ordaifer quest urari dovran ils scolars ina permissiun speziala.

Il mobigliar, las apparaturas e las localitads èn da tractar cun atenziun. Donns e mancanzas ston ins annunziar immediat al scolast ni a la persuna responsabla per la stanza. Per donns chaschunads per intenziun u per negligentscha èn responsabels ils auturs.

Ils ascensurs èn reservads per ils scolasts e las scolastas ed ils emploiads. Excepziuns per scolaras e scolars vegnan concedids dal post da logistica/IT.

3. Cumportament durant l'instrucziun

L'instrucziun cumenza e finescha punctualmain. Scholar(a)s e scolast(a)s arrivon punctualmain e cun tut il material necessari. Els cumpan en vestgadira adattada a la situaziun d'instrucziun respectiva.

La communicaziun durant l'instrucziun succeda mintgamai en il linguatg da standard respectiv. En il gimnasi inferiur pon valair anc ulteriuras prescripziuns.

4. Cumportament en la chasa da scola e sin l'areal da scola

En ils sulers ed en las stanzas, ma er en l'areal extern ston ins evitar tut quai che pudess disturbar l'instrucziun, periclitar ils concarstgauns u donnegiar ils indrizzs e bajetgs.

5. Urden en las stanzas e sin l'areal

Tut ils utilisaders e tut las utilisadras procuran per la netezza e l'urden sin l'entir areal da scola. Per l'urden en las singulas stanzas èn responsabels las singulas classas e lur scolast(a)s. Igl è permess da mangiar en ils sulers. Il rument sto vegnir dismiss sco ch'i tutga.

Igl è scumandà da mangiar en las stanzas da scola ed en las stanzas da gruppa. En la medioteca èsi ultra da quai scumandà da baiver. Igl è pussaivel da permetter excepziuns.

La rauba e vestgadira persunala vegn deponida uschia ch'ella n'impedescha nagin. Objects da valita duain ins deponer cun precauziun. La scola na surprenda nagina responsabladad en cas d'enguladitschs.

Objects chattads vegnan surdads al pedel responsabel da l'implant respectiv. Lez depona els ed ins po puspè retrair ils objects tar el entaifer dus mais.

6. Affischas e reclama

Per affischas e reclamas stattan a disposiziun als scholars tavlas da publicaziun. Talas publicaziuns ston esser dotadas cun il bul dal secretariat da la scola. Per tavlas da publicaziun spezialas (facultads, uniuns da la scola) disponan las persunas responsablas il diever da quellas.

Per reparter stampats u reclamas dovri la permissiun da la direcziun da la scola.

7. Meds da communicaziun electronica

Princips da la SCG per il diever meds digitals

Durant l'instrucziun val: Sch'il magister na dispona nagut auter, sto il telefonin vegnir deponì avant il cumenzament da l'instrucziun en il recipient previs per quai (hotel da telefonins). Il diever dal telefonin è permess mo sin disposiziun da la magistra u dal magister (dretg da dar directives).

I n'è betg lubì d'utilisar sin ils apparats digitals programs che na vegnan betg duvrads per intents d'instrucziun.

Ordaifer il temp d'instrucziun vala: Per intents da scola pon apparats digitals vegnir duvrads sco meds da lavur. L'utilisaziun privata dals apparats digitals è limitada al temp da las 11.30 fin a las 13.00, ordaifer da quest temp èn lubidas excepziuns per in curt diever en cas d'urgenza, affars urgents e per pajaments electronics. En tut ils auters cas sto l'apparat digital esser dustà.

Datas d'access

Las datas d'access a la rait da la scola èn persunalas e ston vegnir tractadas confidenzialmain. Ins na las dastga betg dar vinavant. La suletta excepziun è da dar access als geniturs e/u ils autorisads d'educaziun.

Reglas da cumportament en connex cun il diever dals apparats da lavur

Ins na dastga far naginas atgnas midadas vi da la hard- e la software da la scola.

Reglas per il diever dals computers persunals

Igl è scumandà da midar documents d'autras utilisadras e d'auters utilisaders e d'attatgar auters computers ed autras raits.

Ins sto procurar ch'ils agens purtaders da datas na sajan betg infectads da virus.

Ins na dastga betg consumar, consultar u arcunar cuntegns illegals che violeschan la dignitad umana u ch'èn da character criminal, pornografic u rassistic.

Igl è scumandà da far registraziuns da tun e da film zuppadas sin l'areal da l'entir campus da la SCG.

Igl è scumandà da reparter infurmaziuns che donnegian u denigreschan la reputaziun da la scola e da tut las persunas colliadas cun ella.

Per controllar che questas mesiras vegnian suandadas, vegn protocollà il traffic da la rait da scola.

Reglas per il diever dals apparats da las scholaras e dals scholars durant l'instrucziun

Igl è obligatoric da purtar cun ins il computer persunal. Quest apparat sto correspunder a las prescripziuns tecnicas da la scola.

Al cumenzament da mintga lecziun sto il computer persunal sa chattar en in bun stadi, esser en funcziun cun tut ils programs necessaris per l'instrucziun. Na funcziuna l'agen apparat betg, ston ins procurar ad uras in remplazzament. Las scholaras ed ils scholars èn sezs responsabels per la segirtad da lur datas.

La persuna d'instrucziun po da scadin temp ordinar da deactivar ils apparats persunals.

Materials d'instrucziun

Las persunas d'instrucziun mettan a disposiziun ils materials d'instrucziun en moda digitala u analoga u ch'ils scholars ston cumpra quels sezs.

Support vi dals apparats dals scholars

Il support ICT da la SCG n'è betg obligà da prestar support per ils apparats privats. Talas lavurs succedan a moda voluntaria e n'han nagin effect pregiudicant.

Responsabladad civila

La scola na surprenda nagina responsabladad per apparats donnegiads u engulads. Il support ICT da la SCG n'è betg responsabla per donns vi dals apparats persunals che pudessan esser chaschunads da lavurs mantegniment. Medemamain snega il support ICT tut la responsabladad per sperditas da datas d'in tal support.

Zonas senza fanestrigl

La scola po definir "zonas senza fanestrigl" sin l'areal da scola, nua ch'il diever d'apparats electronics è scumandà.

8. Alcohol, tubac e cigaretas electronicas, substanzas scumandadas (drogas)

Il consum d'alcohol è scumandà sin l'entir areal da scola. A chaschun d'arranschaments speziels po la direcziun da la scola permetter excepziuns.

Il consum tubac e cigaretas electronicas è permess mo en ils secturs marcads da l' areal da scola e quai partir dal 18avel onn da vita

I possess, il commerzi ed il consum da substanzas nunlubidas è scumandà sin l'entir areal da scola, sco era a tut las occurrenzas da scola.

9. Parcadis e traffic

Veiculs motorisads e velos èn da deponer exclusivamain sin ils parcadis previds per quest intent. Igl è scumandà da duvrar skates e boards en las chasas da scola.

10. Mesiras en cas da cuntravenziuns

En cas da cuntravenziuns cunter l'urden da chasa vegnan instradadas mesiras disciplinaras a basa da l'urden da scola da la Scola chantunala.

A basa da l'urden da scola (BR 425.110) è l'urden da chasa vegnì approvà da la conferenza da las persunas d'instrucziun ils 11 da matg 2011. La davosa revisiun parziala è succedida entras la direcziun da la SCG il matg 2022.

Cuira, ils 03 da settember 2026 / Direcziun SCG

Agiunta: Carta areal da scola